

بمناسبة الذكرى الثانية لهروب الجيش السوري من لبنان أنشر للمرة الأولى  
الكلمة الختامية التي القيتها في المهرجان الخطابي للتظاهرة اللبنانية الداعية إلى  
خروج الجيش السوري الفوري من لبنان وقد أقامتها ونظمتها الجامعة اللبنانية  
الثقافية في العالم أمام مقر الأمم المتحدة في نيويورك

## يعيش الحق

لشاعر الانتفاضة اللبنانية

انيس زبيدي

فجأة وبلا موعَد الفجرُ انشقَّ  
وقلوبنا فرحت وقلبُن طقَّ  
واليوم لازم يفهموا بسرعة  
إنّو الغضب عاباب بيتن دقَّ  
وحياتكن لبنان مش سلعة  
ولنّو رهينتهن بأخر دقَّ  
واحد، خمستين ومعن تسعة  
بُيعملوا ألف وخميس مية  
وتسعة وخمسين، ويعيش الحقَّ

فالت نهر عاشفة العطشان  
مثل العجيبه ال فرضت الإيمان  
ويا هالغريب اللي انتهى وجودك  
ورايح هريبة ركض بالميدان  
منشان تعرف ترسم حدودك  
إن كنت عم بتشم ريحة مجد  
بتكون بعدك عأرض لبنان

وجنسية بلادي دهب مفروش  
ع التذكرة وفوق الجرح مرشوش  
جنسية بلادي اللي باعوها  
لعالَم حياالله تا يلّموا قرُوش  
غصب عنن رح يردّوها  
وإن كان لازم تنهدا ع رمُوش  
هنّي تلاتية بيستحقّوها  
جاك شيراك وأنان وبُوش

ببلادي اجتمعوا الأديان صاروا النصارى يحجّوا  
وصار المسلم بيلبنان يُصلّب إيدو عاوجّو

٧-اذار-٠٥ ساحة الأمم المتحدة

نيويورك سيتي

[IloveYouLebanon@hotmail.com](mailto:IloveYouLebanon@hotmail.com)

شاعر الانتفاضة اللبنانية

أنيس زبيدي